

Resignatio villa Korabniki Mathie episcopo Wladislaviensi, per Andream heredem de Slawossowo.

Nos Andreas capitaneus regni Polonie ac dominus Poznaniensis, ad universorum notitiam volumus pervenire presentes, quod nobilis vir Andreas heres de Slawossowo veniens ad nostram presentiam, venerabili in Christo patri ac domino Mathie, divina et apostolica sedis providentia episcopo Wladislaviensi, omne ius quod habebat resignavit in hereditate sua dicta vulgariter Korabniki, in parte sua ipsum concernente, renuncians omni iurisdictioni in eadem hereditate. In cuius rei fidem pleniorum, presentibus nostrum sigillum duximus apponendum. Actum et datum in castro Wladislaviensi coram nobilibus viris et testibus infrascriptis, dominis Joanne iudice Wladislaviensi, Nicolao de Wolia subcamerario Brzestensi, Dobogneo de Boluddi, Andrea herede de Staranow, Clemente de Polenowicz, Ludbono avvocato Wladislaviensi, et aliis quam plurimis fide dignis. Sub anno Domini millesimo trecentesimo quadragesimo primo, feria tertia post conductum Pasche,

